

港東港西



▲曾鈺成尋晚作東，喺立法會宴會廳搞咗個四年一度嘅「惜別晚宴」，CY同各位司局長都有嚟同議員們食番餐

▼葉劉淑儀就特登整咗張寫住「Goodbye and Good Luck」嘅手工卡賀曾主席「榮休」 大公報記者何嘉駿攝



大狀黨投票大包圍 網民鬧爆無立場

透視 戴正言

公民黨六名立法會議員，上周在立法會二讀《2016年醫生註冊（修訂）條例草案》投票時分別投下贊成、反對和棄權票，以為可以左右逢源，誰知就被輿論鬧爆，投了贊成票的楊岳橋更是被網民主口誅筆伐。不知道是否為了選舉考慮，楊岳橋事後急忙拍片解釋，聲稱三讀會投反對票。昨日他又公開稱若政府不接受黨友郭家麒提出的修訂，就會在本周三的會議「積極發言」，「補鑊」之味甚濃。

不欣賞醫學界議員梁家驊「拉布」，擔心隨時玉石俱焚。

現在楊岳橋揚言會「積極發言」，即是參與「拉布」，要阻止草案通過，公民黨的黨紀何存？如此紀律鬆散、立場飄忽的政黨，試問港人能如何信任呢？

其實，即使郭家麒的修訂不獲政府接受，全遭否決，公民黨在三讀時投反對票不就行了嗎？何必置病人利益不顧而「拉布」呢？

身為前公民黨成員的民主思路召集人湯家驊對此也十分看不過眼，他昨日在一個論壇上指出，《醫生註冊（修訂）條例草案》的審議過程是「立法會病入膏肓的表現」，他亦實在看不到「泛民」有何理據反對修例。湯大狀一針見血，「病入膏肓」的當然還有立場飄忽的「大狀黨」。



▲民記三小生早排就齊齊落吃元朗農墟試食本地出產嘅西瓜，仲埋片擺上網做宣傳

三小生抱得「美人」歸

話說最近鄭晴有留意周浩鼎（Holden）嘅《鼎訊》，竟然昇鄭晴我見到何俊賢（高佬）公然咁擁抱兩個「美人」，我見到，我真係見到，旁邊仲有Holden同埋梁志祥（祥哥）一齊笑得好開心。嘩，高佬抱住嘅「美人」仲好有名嘍，一個叫「甜美人」，另一個就係「黑美人」，全部都係「土生土長」，民記三小生大讚好甜美添。係啊，你無睇錯，兩個「美人」就係「本地瓜」嘛，所以真係好甜好美味囉。

擺上網做宣傳。唔講真係係知，原來香港的「本地瓜」夾雜咗部分「一帶一路」嘅血統，「混種」得來又甜又多汁。

西瓜真係有西瓜味！

Holden在開拍之前就食咗半個嚟試味，試真啲嘛，結論係西瓜真係有西瓜味，所以祥哥都唔執輸搶住買。而高佬買呢啲「美人」返屋企就唔怕畀老婆扭耳仔喇，何太應該仲會讚佢識貨添。所以話呢，只要「本土」無被扭曲，其實香港地真係有大把好嘢。

原來民家班早排就齊齊落吃元朗農墟試食本地出產嘅西瓜，仲埋片擺上網做宣傳

議員惜別 卡拉永遠OK

今屆立法會會期將於呢個星期六（十六日零時）正式結束。立法會主席曾鈺成尋晚作東，喺立法會宴會廳搞咗個四年一度嘅「惜別晚宴」，行政長官梁振英（CY）同各位司局長都有嚟同議員們食番餐。曾鈺成就嚟卸咗主席之位，今次係佢最後一次用呢個身份邀請議員同官員聚會，但致辭回顧咗多年議會生涯，就好感嘆咁話自己係履行職務嘅時候都有好多缺失，對政府都製造咗啲麻煩，有失官員期望咁話，仲同官員道謝添，希望新一屆立法會議員同主席，可以幫行立法關係開番個新局面。新民黨主席葉劉淑儀就特登送咗梨花、同一張寫住「Goodbye and Good Luck」嘅手工卡賀曾主席「榮休」。

梁美芬、涂謹申同單仲偕更組咗隊嶄新組合獻上一曲《舊歡如夢》，扭扭腰跳跳舞，笑到議員碌地，連主席都話譚Sir好譚炳文！

另外，鄭晴仲八到，坐喺CY隔離的民記葛佩帆（EQ）席間同特首雞啄唔斷，到底講咩先？EQ就話，尋日朝早民建聯搞咗個創新科技圓桌會議，同CY講番會議內容啱，仲話香港發展經濟不止要靠創科，其他局都要配合，特首都好認同咁話。

各黨派議員昨晚一齊上台唱歌，大合唱《朋友》、《獅子山下》，據講曾主席仲獨唱首本名曲《小李飛刀》，譚耀宗、

梁美芬、涂謹申同單仲偕更組咗隊嶄新組合獻上一曲《舊歡如夢》，扭扭腰跳跳舞，笑到議員碌地，連主席都話譚Sir好譚炳文！

另外，鄭晴仲八到，坐喺CY隔離的民記葛佩帆（EQ）席間同特首雞啄唔斷，到底講咩先？EQ就話，尋日朝早民建聯搞咗個創新科技圓桌會議，同CY講番會議內容啱，仲話香港發展經濟不止要靠創科，其他局都要配合，特首都好認同咁話。

各黨派議員昨晚一齊上台唱歌，大合唱《朋友》、《獅子山下》，據講曾主席仲獨唱首本名曲《小李飛刀》，譚耀宗、

EQ教整DIY天然驅蚊膏

宣傳片都有講夏天為大地帶來雨水，而家仲要加多句夏天為大家帶來蚊蟲。周街都係防蚊產品，蚊怕水、驅蚊膏、防蚊貼……樣樣都話自己係殺蚊死，但係當中亦都可能包含好多化學物成分，隨時要同蚊同歸於盡，鄭晴真係好想問下全能嘅facebook大神應該點揀。咁啱呢，又被鄭晴我見到民建聯立法會議員葛佩帆（EQ）近日就拍咗條片上載facebook，教市民點樣DIY「天然香茅驅蚊膏」，仲要係天然無害，防蚊又防蚊，真係殺蚊於無形，好似華安話齋真係家居旅行必備良藥！

唔講唔知，自製防蚊膏原來好簡單，只需要準備肌底油（提子油）同埋蜜蠟五克，放喺玻璃器皿內「加熱」，直到蠟全部溶解之後，再加入茶樹精油兩滴、香茅精油五滴，攪埋一堆之後，就可以倒到樽仔入面，凝固成膏狀之後就可以用，得咗！EQ同鄭晴講，「香茅」係著名驅蚊神器，畀蚊咬蟲「親吻」完就可以止痕消腫，味道芬芳，成分仲絕對天然。鄭晴開心大發現，呢啲驅蚊膏嘅成本唔高，對「愛靚又愛命」嘅人嚟講，絕對係一件「法寶」！



▲葛佩帆拍咗條片上載facebook，教市民點樣DIY「天然香茅驅蚊膏」

新加坡現裂紋列車與高鐵不同

【大公報訊】就港鐵向內地購買的新列車被涉及安全問題，運輸及房屋局日前證實，去年1月30日及2月4日接獲市民電郵關注新加坡地鐵列車車身出現裂紋事件，當局昨日進一步回應稱，翻查檔案紀錄後發現，同一人士早於2014年4月已向機電工程署發電郵提及同一問題，並轉介路政署跟進。路政署鐵路拓展處於同年六月回覆提供綜合回應，指新加坡地鐵列車為市區鐵路列車，與高鐵列車並非屬同一類型。

指出新加坡地鐵列車為市區鐵路列車，其設計、物料級數及物料提供者與高鐵列車不同。

當局強調，職員於去年二月四日轉發郵件時遺漏附件，不會令港鐵公司無從知悉新加坡地鐵列車的問題，港鐵公司確認前年已知悉事件，並向新加坡方面了解，獲告知不會影響行車安全，列車供應商亦會作出適當跟進，事件不影響該列車供應商未來的投標資格。

當局重申，機電署會於新列車運送到港後，監察港鐵公司整個實地檢測工作，不論列車產地及供應商為何，均會根據一套嚴格的標準進行本地實地安全測試，確保列車達到國際認可的安全水平，才會批准新列車投入服務。

網上直播為意外解畫 九巴：讓市民參與

【大公報訊】九巴去年發生三宗行車期間乘客撞爆玻璃門事件，事後九巴成立的檢討小組完成工作，決定盡快在所有車門加裝欄杆，惟昨午僅安排兩名高層於網上專頁直播交代，雖然網民反應普遍正面，但從未正式透過傳媒向公眾解釋。九巴深夜發帖解釋，直播讓市民直接參與，傳媒都可於直播中提問。

昨午在事前預告下，進行facebook直播交代檢討結果，指出事原因複雜，巴士車門玻璃只是其中之一，亦涉及車速過快、轉彎及乘客安全意識不夠。該高層又指車輛採用外國供應商配置的原廠玻璃，經過本地政府認證，產地來自英國及瑞典玻璃，品質沒有問題，公司已決定添置欄杆加強安全，盡快在沒有欄杆的車上加裝，又提醒乘客緊握扶手，待車停定時落車。

高永文：盡力釋除醫生疑慮

【大公報訊】周三是本屆立法會最後一個會期，屆時恢復審議《2016年醫生註冊（修訂）條例草案》。食物及衛生局局長高永文昨日會見傳媒時表示，當局會爭取讓法案獲正常審議。他重申，醫院管理局會優先聘請本地畢業醫生，當局會盡力釋除前線醫生的疑慮。

他表示，修訂如獲通過，研訊委員會的組成會更具彈性，醫生委員不論屬於委任或選舉，參與程度不會受到影響。

8000萬暑期金多寶 下周二攪珠



▲歷年最高暑期金多寶，下周二攪珠 資料圖片

【大公報訊】馬季煞科，但發橫財機會陸續有來。歷年最高暑期金多寶，下周二攪珠，一注獨中頭獎的幸運兒，估計可獨捧8000萬元獎金。不少人視自己的生日日期為幸運數字，投注時用作為下注「蘇巴」組合，不過馬會資料顯示，八千萬頭獎基金的幸運號碼是「36」、「11」和「43」，喜歡以生日日期下注的人士，可能要面對人生交叉點的抉擇了。

馬會昨日宣布，本年度六合彩暑期金多寶攪珠將於下周二舉行，該期攪珠將有6000萬元金多寶，估計頭獎基金有機會高達8000萬元，是歷年暑期金多寶最高頭獎基金。

財會否決重置上海街垃圾站撥款

【大公報訊】記者吳維思報道：立法會財委會昨日以21票反對、17票贊成，罕有地否決政府撥還上海街垃圾站及「露宿者之家」的撥款申請，從而令油麻地戲院擴建工程被擱置。民政事務局表示極度失望，形容否決撥款申請庸庸置置造成「三輸」局面，當局會盡快爭取下屆立法會支持有關重置工程。



▲油麻地戲院擴建工程被擱置 網上圖片

對於有反對派議員批評，將「露宿者之家」設於垃圾站上，是歧視露宿者，要求當局分開設置，民政事務局副秘書長李頌恩回應說，油尖旺發展密度高，難以找到地方分開重置。被問到為何「露宿者之家」沒有冷氣，李頌恩說，會提供更好的環境，包括對流窗、抽風系統、綠化設施等，但營運由社福機構負責、自負盈虧，安裝冷氣需由機構負責。

但會後他稱投票時太嘈吵，自己是投錯票，但對最終結果無影響。

政府：極度失望「三輸」局面

有建制派議員會後譴責反對派。民建聯立法會議員蔣麗芸批評，反對派已經去到「瘋狂」階段，反對涉及民生的項目，相信粵劇界及露宿者均會對工程被否決感到失望。體育、演藝、文化及出版界立法會議員馬逢國表示，希望反對派議員「不要在一些無關重要的細節上，處處製造麻煩」。

民政事務局於傍晚發表聲明表示極度失望，指重置工程乃為騰出上海街原址，作油麻地戲院第二期發展之用，粵劇界希望項目盡快落實，解決現有場地局限，為青年演員提供訓練空間，推動粵劇承傳。聲明指出，財委會否決撥款申請，窒礙了粵劇界培育新秀以推動粵劇傳承的努力，露宿者服務單位使用者無法藉重置計劃享用新設施和更佳住宿環境，原址周邊環境無法提升，無疑是個「三輸」局面。